

## 7. IGICE CYA VII: KOMITE Y'IGIHUGU ISHINZWE UMUTEKANO MU MUHANDA

### 7.1. UMUTWE WA I: ABAYIGIZE

#### Ingingo ya 145:

*Komite y'igihugu ishinze umutekano mu mihanda (yitwa komite mu ngingo zikurikira) cyangwa mu magambo ahinnye C.N.S.R igizwe n'aba bakurikira:*

- ✓ *Umuyobozi wo gutwara abantu n'ibintu muri Minisiteri ishinze gutwara abantu n'ibintu: PEREZIDA;*
- ✓ *Komanda w'umutware wa porisi y'igihugu ushinze umutekano mu mihanda: VISI –PEEZIDA;*
- ✓ *Umuyobozi ushinze amateme n'imihanda muri Minisiteri ifite mu nshingano zayo imirimo ya Leta: UGIZE INAMA;*
- ✓ *Ushinze ishambi ry'umutekano mu muhanda muri Minisiteri ifite mu nshingano zayo gutwara abantu n'ibintu: UMUNYAMABANGA.*

#### Ingingo ya 146:

Komite ishobora gutumira umuntu wo mu butegetsi bwa Leta cyangwa undi wese ibona ko yagira icyo ayimarira ikamugisha inama ariko ntatore

#### Ingingo ya 147:

*Komite ifite inshingano zikubiye mu ngingo ya 6 yo mu itegeko n° 34/87 ryo kuwa 17 Nzeri 1987 ryerekeye imihanda n'uburyo bwo kuyigendamo.*

### 7. 1. UMUTWE WA II: IMIKORERE

#### Ingingo ya 148:

Iyo komite iterana rimwe mu mezi ane kandi igatumizwa na perezida wayo. Ishobora guterana mu bihe bidasanze bisabwe n'umwe mu bayigize. Ibyemezo bifatwa ku bwiganze bw'amajwi, irya perezida niryo rikemura impaka iyo zivutse. Iyo perezida adahari cyangwa afite impamvu imubuza kuza, asimburwa na visi – Perezida.

#### Ingingo ya 149:

Ntacyo komite ishobora kwiga ngo kigire agaciro iyo hatari nibura 2/3 by'abayigize

Komite itegura amategeko yayo y'ubutunganya-mirimo. Ayo mategeko yerekeye gutumiza inama, ibigomba kuzigirwamo, imitunganyirize yayo, impaka n'itora.

Amategeko y'ubutunganya-mirimo ashyikirizwa Minisitiri ushinze gutwara abantu n'ibintu kugirango ayemere.

#### Ingingo ya 150:

Komite ishobora gushyiraho za komite z'intara, iz'imijyi n'uturere zizayifasha mu mitunganyirize y'imirimo ishinze.